



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七八〇

劍閒齋遺集六卷 陳 瀚 撰

一

庸書內篇二卷庸書外篇二卷 陳 熾 撰

七三

歸牧集一卷 費念慈 撰

一八一

梅陽山人集八卷（文集三卷詩集一卷書札四卷） 江春霖 撰

一九三

劬盦文藁四卷劬盦官書拾存四卷 羅正鈞 撰

四四七

槩陽詩存十二卷末一卷 王以敏 撰

六〇九

南行詩草一卷 敦 崇 撰

七四九

紫藤館詩草一卷 敦 崇 撰

七六五

畫虎集文鈔一卷 敦 崇 撰

七八五

劍閒齋遺集

陈
瀚
撰

民國十七年鉛印本 原書版框
高一八五毫米寬二四二毫米

陳 瀚 字裕楣，號子峻，又號德軒，湖南湘鄉人。生於咸豐五年（一八五五），卒於光緒二十二年（一八九六）。貢生。曾入長沙思賢講舍肄業。師事郭嵩燾，受古文法。有《劍閒齋遺集》。參考文獻：《桐城文學淵源考》卷一一、《劍閒齋遺集》附行述及墓誌銘。

劍閒齋遺集

柯劭忞題



戊辰孟秋

詩序一

嗚呼此吾友湘鄉陳君子峻之遺詩也始與子峻游時其聲氣銳方討百家習國故傑然欲有爲於世頗不數數變心其聲聲韻間遨翔江海迄無所遇盛年徂謝凡知子峻者莫不重惜之今不共子峻談譚二十餘年矣賢子爾錫出示茲編務澤於古而才氣足以緯之雖摩盪萬象或未竭其能而盡其變要自卓犖典重遠出於流俗亦有以傳其生平者天儻假子峻以年使躬閱今日奇變慷慨鬱積必且益有所爲然而心腑魂魄不櫻亘古非常之痛酷以完其神明且獲後之人不復列爲志亂詩史之一吾子峻又未爲不幸也癸丑七月義甯陳三立題記

劍閒齋遺集

序

詩序二

余性好誦古人之詩而不工爲詩間爲詩其於古人之旨不肖也遂棄而弗爲自是在荏苒侵尋而曾無吐發憤懣之什嘗自惜且恨之比客遊篋中無多書可以度日有所感觸輒亦爲詩一兩篇既成猶軼而不錄蓋余之志欲專精思慮以務比肩於古人非是弗爲之亦弗存也而於人之工爲詩者必求而讀之涵泳誦誦循環往復而不厭然而近者詩學荒蕪其有當於余心者或幾乎少矣往在皖江與鄧世白葉玉誠諸豪俊交遊見其所爲詩皆以葩經爲根柢余慕而遜之嘗爲同學方適庵作詩序爲指陳今日詩學之弊以正告當時而見而駭之者皆以

劍閣齋遺集

序

二

爲非是余故戒爲詩序六七年於今矣癸未冬湘鄉陳君子峻遇余於清淮旅舍子峻留酒督幕中蓋往還匝月一日出其詩示余多鏗然可誦之作徵子峻之請則固余所樂爲序者也如擬誦仙樂府體摹情綴景婉麗可風而其雜詩讀史諸篇幽憂激楚哀音怨亂余且感其意而悲之至於朋友骨肉離別會合之際其藹然之意溢於格調之表者要不足以盡子峻之志與情而子峻之志與情亦從是可知已矣此固余之所樂爲序者也書曰詩言志志者詩之本也荀子之論小雅曰疾今之政以思逞者其言有文焉其聲有哀焉此詩之情也今之人舉所爲本與情者而無之相與爲浮淫靡麗之詞以爲工而作詩之旨

失之遠矣俗之衰也非獨仁義道德功名之際蕩然無餘雖以詩文之末技而天下皆惜不知其事此余向之所嘆爲荒蕪者也子峻爲人和謹君子也其容貌粥粥然其與人處溫溫然其言語詞氣恂恂然而其意氣直不可一世其詩則憂時感事而托之咏歌亦不輕以示人噫此子峻之不欲以詩名於世彼世之說詩者其名竟何如吾讀子美之詩曰長嘯宇宙間高才日凌替又曰朝叩富兒門暮隨肥馬塵殘羹與冷炙到處潛悲辛以子美之才氣而步庸人之後塵分昏愚之一飽豈不痛哉余猶諷焉爲子峻悲憐其遇願子峻爲子美之詩而不爲子美之僅以詩名也然自廣陵瓜步至於金焦北固皆余之所拓興者

劍閣齋遺集

序

三

平生不工爲詩而無以寫其感慨以寄其憂思讀子峻之詩且不禁蹶然而起也子峻毋以是阻余之興歟光緒癸未十二月桐城吳巨綱謹序

文序

余少時即聞陳君子峻名未相識也是時君方以文學受湘陰郭侍郎知而法蘭西敗盟尋畔沿海蠢動君於是踰江絕淮度嶺觀兵海上上書當路勇言事即今集中所傳論事文是也當路既皆世俗富貴人不省遂發憤歸而郭侍郎獨深契其言以謂確然可見諸實用非僅如前代葉適陳亮之爲也戊子秋遇之長沙則已恬澹靜退頽然若無與於人矣然酒酣人靜論天下事輒揚眉抵掌證據古今纏纏不能自止也後乃盡讀其所著劍閒齋集若干卷蓋君之於文自謂少知嗜好然無常師又謂託之空言不如見諸行事慨然思以名業自奮故不克竟學

劍閒齋遺集

序

四

其言如此余謂文之佳惡後之讀君文者當自得之亦無俟余言爲輕重獨悲君負經世之才有馳驅天下之志才不爲世用道不信於時匪操術獨左亦其赴勢甚鈍也自中西通市海外多故朝廷講求睦鄰固圉之道所以風厲當世甚悉於是士大夫言洋務或坐至大官擁鉅貲次亦爲督撫賓客風會既開奮興自不能已也以君之才與夫世之趨時得位者較焉其誰之不如而搢不得伸以少紓其志則彼居高明之地而自謂能宏濟時變者獨何人哉獨何人哉夫古之君子躬閔偉不世出之才一遭蹉跌則憂傷扼抑放浪憔悴不能自振往往見於言語文字之間如古屈原司馬遷韓愈李翱杜牧之倫蓋猶不免也

君雖坐窮退無幾微不自適之色余嘗過其精廬啜菽論文清譚竟晷敵椽老屋門巷蕭然其於義與命可謂安之若素矣今秋書來以疾病侵尋學道無成爲言蓋君之所得以自然爲宗以無欲爲能而非如世之淺躁無實者流一不得當則潦倒縱姿不能自主也然後知君之所養於內者深僅以區區文學譽君固未能得其一二之迹也則余之愀然爲君悲其不遇者又豈足以知君耶乙未十月同邑周蕃謹序

劍閒齋遺集

序

五

劍閣齋遺集卷一

樂府類

湘鄉陳 瀚子峻甫著男爾錫謹校

天馬歌

天馬來從大宛國肉騷礪汗珠色聳蘭筋展神力青海蕃奴
控不得涉流沙兮歷西極蹀躞霜蹄無日息金爲羈玉爲勒雷
雨降精氣雄特恍惚眞龍渥洼生仰首一嘶秋濤崩方瞳突兀
明長庚崑崙雖高一蹙登風沙獵獵雲層層蒲梢萬里山河更
踏鐵連錢不敢爭當時冀北十萬馬騰身闕力未肯下爭芻時
覺喧如雷當槽頗妬沫流赭此馬入門始一顧萬匹吞聲就聾

劍閣齋遺集

卷一 樂府類

啞前年曾狩青海隅月氏君長偉丈夫鬪靈纈錦纏其軀腰間
玉具雙滿盧山桑弓金僕姑前後從者走且趨蹙蹄翦鬣同馳
驅黃羊白兔亡須臾山崩谷湧血模糊纒纒自喜騁游獵翠節
甯思貢上都由來伯樂世間少龍媒空向廐中老蓋世誰知玉
鼻騮朔風餐遍祁連草此時仰首長悲鳴虎脊騰驤苦不早九
天閭闔五雲中金鞍偏覺凡馬好君不見殿前作態得恩憐錢
膺繡族何翩翩又不見燕昭起築黃金臺千金買得朽骨來

靈芝歌

蒸瑞物兮產靈芝光曄曄兮珊瑚枝濯朱柯兮擎赤蓋涵精氣
兮稟仁慈年三秀兮莖兩葉食茂英兮可療飢壽千歲兮福祿

隨

思悲翁

狂風吹天落海水海底鯨魚浮血紫蓬萊仙人去不歸木公金
母一朝死山頭明月西復東陽春攪夢千花紅劍光照水魚龍
舞狂吟莫使尊中空不須起舞發長嘯金錐鑿破青天竅翁乎
翁乎爾不見羲和鞭日雌龍愁銅駝泣雨桃花笑

上之回

漢皇清六合仗劍何壯哉諸侯盡賓服宛馬自西來月氏及身
毒包舉恣雄才勒石燕然山意氣驅風雷還遣金馬使南通叩
嘗開歸來意未已聘望柏梁臺金莖插霄漢冥心遊蓬萊俯視

劍閣齋遺集

卷一 樂府類

下界人茫茫若寒灰神仙爾何處躑躅我心哀

戰城南

戰城南城爲摧殺氣震天陣雲開棄屍漂海萬馬如雷賊衆夜
縛降王來昨日堂堂作天子今日纍囚同犬豕釋爾纍囚憐爾
亦人主蠻王泣下淚如雨祗道人間貴至尊誰知亂離後俯首
還乞他人恩誰知亂離後俯首還乞他人恩

巫山高

巫臺巫山高下有江水流江水深復深欲渡苦無舟家山在何
許遠望多煩憂旅人當遙夕懷思成春秋

君馬黃

君馬黃我馬黑馬同軀幹不同色人馬一心共殺賊君登輪臺
風雲四開勒石頌功擊劍傳杯風吹沙倒走我馬忽應隨雪沒
馬蹄飢馬腹人馬相顧空徘徊妃呼豳爾非其所爾何依我非
其時我何歸何人千金市爾骨令我中心爲爾悲

望行人

朔風千里道關山劇秋草秋草斃轉枯夢度天山隅天山何曉
曉夕夕復朝朝朝夕各異地相思不可至老馬知泉根胡雁知
天風穹廬阻南北心跡誰相通孤雲向西飛戀戀思蘭韓寄書
渺尺素裂爾舊時衣作衣良不易淚痕滿襟袖開箱見故衣含
悲念恩舊

劍閣齋遺集

卷一

樂府類

三

關山月

天風吹海月夜上崑崙山精光九萬里不斷玉門關漢使遠持
節邊陲勞往還旗分陣雲裂血染草痕殷思婦高樓上健兒營
壘間相思各兩地何由破愁顏

洛陽陌

玉顏錦袖紅看花洛門東不知何年少白馬驕春風

企喻歌辭

匹馬并州兒結客燕水湄雕弓大羽箭射殺千年狸
鶴子凌高山百鳥苦摧殘男兒久征戍空閨淚不乾
腰下碧絲絛手中五尺刀血戰祁連北尸比邊城高

黃單子

莫追負嶠虎虎怒不可當莫射城上烏烏啼斷人腸赤羽箭綠
玉襪黃羊白兔走且僵西來葡萄宛馬良聖明天子道方昌

白鼻騮

春風白鼻騮醉向江南路垂楊十里曉鶯啼揮鞭笑入花深處

平陵東

平陵東生秋風爾何人叔義公叔者興義公死哭義公哀孺子
排山動地功無成猶與白水開先聲逢萌去卓茂封雲臺上諸
將功海內當時頌符命無人更過平陵東

登高邱而望遠海

劍閣齋遺集

卷一

樂府類

四

登高邱望遠海天地入渾淪日月沈光彩蛟龍出沒雲氣腥俯
視神州如蓓蕾盤古開鴻濛瞬息千萬載滄海爲桑田世事嗟
倏偶人生爭意氣秦皇漢武今安在開邊啟土一何雄東烏西
兔不相待君不見阿房宮柏梁臺丹雘繡柱高崔嵬煎民膏血
興土木烽火一炬成殘灰牛童牧豎走相弔長歌行悲風來

烏生八九子

烏生八九子歸飛啞啞高樹枝山中少年盛殺氣金丸彈射烏
亂啼野鶴冲霄黃鵠飛網羅連山不得棲白鹿持作醢黃羊餽
作麋麒麟獲野龍能豢獵火焚山猛虎危人生亦有命安能行
歎坐復悲置酒中堂破愁寂青天爲爾生光輝

公無渡河

公無渡河河中足風波風波一失所吮血爭蛟鼉一解彼披髮者何人亂流競渡不顧身呼龍入水蛟人泣淚痕化作珠宮春二解海波瀾漫陰陽吞狂瀾噉斷扶桑根渺然一尸何處存爲我謂馮夷兮胡不仁三解飛鱗奔鯨萬里長口若湔渤齒若太行公平公平乎此中徜徉笙篴一曲兮心悲傷四解

銅雀臺

銅雀臺空悲哀龍虎江山猶變幻歌臺舞榭胡爲哉總幃飄飄八尺餘雲鬢花顏翠羅裙豪竹哀絲豈不豔粉牆丹柱今何如西陵墓草迷徑黑臺上音樂聞不得荒冢落日狐狸眠美人黃

劍閣齋遺集

卷一 樂府類

五

土空顏色

燕歌行

燕山萬騎鳴啾啾沙場歲月去如流征人一別無消息戍樓哀角生邊愁生邊愁淚如雨遊子何時歸故土春風無意逐人來獨倚闌干對花語

董逃行

我欲上登陸崑山有仙人王與韓安得超矯白雲端鞭笞仙鹿駭青鸞木公金母爾何人駕我輕車上雲壇天門闔者開洞府瓊芝瑤樹青琅玕黃金爲闕珠爲座中有三老芙蓉冠碧玉吳吳閃雙目見我一笑分仙丹謂我前身廣成子殿前碧草間

紅蘭一朝雲幄不適意紫皇乃謫生生死死之塵寰兔來鳥去

三百載凌霞乃復叩天關我聞此言殊驚愕恍惚能解眞人歡朝辭仙人去暮泛銀河瀾青天漠漠飛龍起乘風振珮來珊珊道逢雲車擊土鼓言葬雷公弱水灣我聞元氣乃天父撫弄盤古開心顏手轉天輪歸太極茫茫九州泥一丸陶鑄陰陽出日月扶桑濯足未覺寬女媧不解事黃土搏人滿世間戲弄衆萬如嬰孩興亡有似崩風湍物化瞬息千萬載遂令愚者增長歎東溟哺鳳皇一宵九子生羽翰西海參麒麟馬蹄狼額文斑斑我欲棄之去太虛縱往還當日瑤池見王母乘風縱體輪朱殷池上蟠桃如斗大花開花落長相看玉液金漿不足數侍女頻

劍閣齋遺集

卷一 樂府類

六

傾赤玉盤別來丹砂難爲命飄蕭白髮天風寒高山蛾蛾流水潺湲仙人竟何在踽踽空躋攀安得蟾兔所搗藥雲輶書下獄金鑾願吾皇九九八十一萬歲晉萬壽杯長盤桓

當來日大難

來日大難去日難追長繩繫日晚晚空悲今日不樂何以相寬張燈舉爵列坐盤桓炙熊膾鯉炮鼉薦羅吳歌楚舞齊瑟趙彈豈不顧遠且盡今歡今日聯襟明日分襟浮雲飛鳥渺邈難尋木公金母駕龍雲端還神探道授我仙丹

上留田行

脊令爲飛鳥急難求其羣械械紫荊樹憔悴未忍分無心之物

尚如此費生骨月何紛紛悵望上留田蕭蕭白楊樹父母骨未
寒弟兄如行路幼弟苦飢寒哀泣無依附斗粟之謠不可聽然
其泣下令人悲手足相爭鬪此身從來卻爲誰

門有車馬客行

門有車馬客自言故鄉親雕鞍跨紫燕虹彩明朱輪對我叙前
事欲語淚盈巾圓光互滿缺世事各相因連雲起甲第華服輝
陽春笙歌樂未終轉盼入西鄰存亡轉枯樑門戶一爲新昔時
卯角好半爲泉下人驅車登高阜壠墓何嶙峋怪鴉啼古樹不
知周與秦我生本寥落聞此增酸辛有酒不能飲空負百年身
天運固如此微生任大鈞

劍閒齋遺集

卷一 樂府類

七

長信怨

登山須知高觀海難爲深盛年事君子那復計升沈歡愛因顏
色悲哉專房任盈虛似明月圓缺遞相尋冶容難長恃達者持
小心持燭傷獨影今昔淚不禁君但消愁寂恩寵本難謀

去婦詞

生小爲君婦豔色奪雲霞與君天日盟願爲並蒂花自君遠出
遊深閨愁獨守會少別離多百年亦何有傷彼合歡花怨結同
心藕藕謝委寒流盛色何能久他家婦與夫終年長相見不知
離別苦甯謂田家賤兒家多命薄形影自相憐空房鬱憂思排
徊鸞鏡前昨夜秋風早見君夢亦好覺來倚空牀君仍在他鄉

他鄉饒霜露迢迢使妾懼此時君即歸妾顏已非故西園胡蝶
黃南浦鴛鴦紫雙飛傷妾心當秋淚如水人情棄衰舊世事有
變遷以色結君好那得長年年不聞舊人哭祇覺新人妍手持
白團扇未瞬已棄捐憶昔初嫁君白頭誓不離誰知分飛鳥即
此連理枝曲沼盛芙蓉攜手舊遊處不忍踏莓苔予來時路
還君青銅鏡碎我紅繡裳何用受君憐餘生委秋霜君情既消
歇肝膽隔秦越妾意終在君羅幃夢秋月不恨君棄妾但恨妾
已衰物理固如此臨路獨遲迴君心不可期哀啼君知否願祝
多情風吹聲到君耳

婕妤怨

劍閒齋遺集

卷一 樂府類

八

幽蘭本國香日攬未覺鮮裊裊芙蓉花新采乃天然積薪後居
上久近不成妍在舊憎日積在新美良專持色事君子安能久
且延豈必及衰歇情意始莫宣自顧已難恃恩寵詎可堅願言
慎袂扇莫使秋風捐

烏夜啼

日暮空閨寂思郎郎不知盛年苦難再昨夢當告誰君恩如燈
燄膏燼光漸歇妾恨如池藕節斷絲不竭燈亦有時然藕亦還
復鮮君心如可轉暫井生流泉

安東平

鸛鵒叫野墟虎踞坡白日晚下客子奈何

楊叛兒

君種相思樹妾綰同心結莫歌楊叛兒烏啼兩淒絕妾傷斷腸
草君折連理枝溪水流向君門去心到君邊君不知

青陽度

別郎淚暗傾見郎空復情可憐今夜月猶向故鄉明一解宵析
驚妾夢雞鳴亂妾心驪駒如有意戀棧徘徊吟二解別離亦時
有郎去莫回顧但願風花中識取相思處三解郎似秋日風妾
似江邊草秋風一以摧江草一以槁四解寒衣密密縫寄遠愁
歲晏賤妾一寸心長天萬里雁五解

獨漉篇

劍開齋遺集

卷一 樂府類

九

獨漉獨漉泥濁水昏水止斯定泥揚則紛一解羣鴻南來飛燕
北度翩翩雲漢繡綴余懼二解柳絮隨風飄泊西東浮萍失水
悲來無窮三解清風入戶羅幃夜開明月依人自往自來四解
刀鳴劍嘯天地黃昏晝除梟獍以報君恩五解鯨蛟吞舟猛虎
殺人蒼鷹擊野毛羽紛紛六解

雉朝飛操

雉朝飛張兩翼挾雌引子避矰弋泄泄灼灼以鳴以食嚙嚙其
音煌煌其色日暖風清于田得得有人在爾側延頸吁嗟長歎
息吁嗟吁嗟雉朝飛樂何極

雙燕離

雙燕復雙燕雙飛常眷戀銜泥久棲翡翠樓攜雛共入宜春苑
狂風太無情遠簷復吹散巢空不再合哀鳴隔江岸毛羽蕭條
何處尋青天漠漠碧雲深

富貴欲高行代曹子建

豺狼當路骨肉乖浮雲蔽天不可階蒼蠅間白黑道遠難爲懷
父母聖皇譴言高張登高望京邑淚下沾衣裳矯矯潛龍無由
乘長風願因鴻鵠翼歸飛向洛中

美女篇

美人出南國艷色驕春陽頭上金爵釵翠羽耀明璫耳後大秦
珠兩鬢綠生光珊瑚交玉體麗服綺羅驚紅裳隨風起紫燕何

劍開齋遺集

卷一 樂府類

十

飄揚明眸發巧笑微步生輝光欲往還遲延矯若臨風翔途人
用息駕妬者遙相望顧影自徘徊端居怨景光衆人徒營營求
賢獨難忘盛年起長歎引領望遐方

結客少年場行

燕趙多劍客青萍霜雪明雕鞍紫驪馬馳逐風雲生殺人不轉
瞬叱咤千夫驚朝入新豐市結客飛瑤觥酒酣擊筑歌一市皆
爲傾賢哉魏公子車馬笑相迎屠肆起朱亥夷門禮侯嬴執轡
意愈下一笑傾友生救趙出奇策朝辭大梁城遂解邯鄲圍甯
惜七尺輕男兒重然諾不爲千秋名可憐燕太子悲泣送荆卿
舞陽一儒夫圖窮竟無成

遊俠篇

少小好劍術殺人爲生涯不惜噴碧血染出杜鵑花綠巖五花
馬四足生雲霞時邀劇孟飲閒過郭解家笑醉燕市酒意氣一
何奢還袖千金椎來遊博浪沙

東飛伯勞歌

東飛伯勞西飛燕鴛鴦戲水常相見誰家女兒十五餘玉顏金
細翠羅裙含愁乍種相思樹蓮漏沈沈到天曙自持蠟炬向空
房羅幃綺帳無輝光信手彈琴不成調陽春已暮花枝笑

長相思

長相思夢難安月明如霜蕙帳寒燈光明滅不忍看城頭漏聲

劍閣齋遺集

卷一 樂府類

十一

交半夜披衣起坐淚闌干美人冉冉白雲端手執如意招我去
嫣然一笑驂青鸞沉有芷兮澧有蘭懷佳人兮摧心肝長相思
空長歎

行路難

山莫遊蠶叢道水莫渡三峽河蠶叢道險生荆棘三峽之危多
風波戒爾舟車慎爾足縱有崎嶇奈爾何

長干曲

家住長干里嫁與長干兒長干風浪惡使妾夢魂悲一解去歲
槐花黃孤棹上瞿塘今歲楊花白鴻雁仍故鄉二解瞿塘險難
渡猿啼三峽樹下有蛟龍潭君今到何處三解昨夜鄰舟歸隔

六北應作花水

蓬語依稀似道郎消息欲往烟水霏四解望郎郎不回憔悴風
霜裏怨郎郎不知夢渡蘆花五解

邯鄲才人嫁爲厮養卒婦

榮乃悴之始福爲禍所基寒暑相代謝盈虛理則宜趙王有才
人生小絕世姿含情入金闕春深體不支妝成每自妬衰歇豈
復知何意傾城色嫁爲厮養妻回首深宮中玉輦常相隨君王
賜顏色金屋生光輝專房今雖異恩寵非所期

楊白花

春風最多事飄蕩楊白花不惜楊花落別家但願年年多楊花
楊花一落難再覩畫欄晴日春無主隔牆應有賞花人誰知倚

劍閣齋遺集

卷一 樂府類

十二

樹相思苦

于闐採花

採花于闐北花色相新鮮漢家奪得燕支山漢地女子無嫌妍
畫工能令顏色變明妃一去滯胡天當時失寵不自美何意胡
女驚嬋娟紅顏衆所忌亮非君獨然

秦王卷衣曲

咸陽二三月桃李豔春風天子恣歌舞飲酒未央宮玉樓接珠
殿曉日光融融賤妾獨何所煙收簾幙空遙聞賜御衣別院銀
燭紅側身望天日恩寵已云隆敢歌長信怨徘徊紫禁中

起夜半

白日易爲眼中宵，易成悲瓊樓。幽素倚空碧，美人不見勞相思。
相思在何許？疏星遙遙隔。江浦細柳新，蒲水一方欲往從之惜。
無羽銀河夜，凍江南寒紅。文綠綺衣裳，單枕上鴛鴦呼不起。
蠟燭啼心淚未乾，起吹鳳管撥幽絃。啼鴻一曲寒可憐，一掩一抑
聞不得。寒雲爲寄成，都箋眞珠小字淚痕滿。書成絮語焚燈前，
燈已滅，書難傳。夢魂化將煙海去，星河照影沈酣眠。

枯魚過河泣

豫且遊淺水，力能困白龍。枯魚過河泣，悔之已無從。何如慎出入，
烟波得從容。

王孫遊

劍閣齋遺集

卷一 樂府類

十三

去歲郎辭家，階草露華綴。春來一樣青，猶解惜離別。

結襪子

燕市結客舞青萍，銀鞍白馬如流星。酒酣擊筑不可聽，裂眦直
視光熒熒。殺人何屑論成敗，獨提匕首來秦庭。

大垂手

陽春白日芝蘭房，有美一人清且揚。僂僂徐步鳴瑤璫，輕軀暢
舞何洋洋。摻摻擢手乍低昂，玉腕紅袖相輝煌。矯若龍游白鶴
翔，凝眸善矚趨步詳。如矜若思流且行，將停將引變無方。狀似
流雲泛波光，體如輕葉隨風颺。助以金石發宮商，清歌一曲意
何長。金杯玉斚羅酒漿，四座歡樂殊未央。宮中聖人壽而康。

夜夜曲

流蘇雜彩帳，日暮寄相思。中心千萬轉，頃刻成恩私。
一解 恩私令人危，歡愛令人羨。甯爲繞澗流，莫作飛花片。
二解 珊瑚間木難留來，知爲誰等是。昔年物不忍觸相思，三解 君心嶺上雲飄忽，不可期。妾心天上月光彩，互盈虧。
四解

同聲歌行懷杜雲秋金曾仙亭希文

霜月漫漫烏欲棲，寒鐘斷續黃姑低。疏星夜凍浸空碧，吟魂暗
度西山西。西山沈沈足煙霧，素娥影落珊瑚樹。澄天如玉冷翠
飛，寒光照夢不知處。涼風自怯當嬋娟，銀灣渺絕相思路。相思
在何方？青鸞縹緲白雲鄉。美人娟娟紅繡裳，招之不可下仰首。

劍閣齋遺集

卷一 樂府類

十四

空榜徨爲君彈綠水，爲君歌鳳皇。絃繁手怠不成調，滿庭涼影
天蒼蒼。

樹中草

裊裊樹中草，寄生楊柳枝。春來盛殺氣，根葉發華滋。天地一蓬
廬，古今同浩浩。借問逆旅人，何如樹中草。

高句驪

青鸞碧玉蹄，馳逐向天嘶。高冠舞大袖，初日釜山西。

昔昔鹽

金谷連枝樹，芳池並蒂花。春風桃李笑，曉日海棠斜。織錦秦川
女，鬱金少婦家。空房憐獨影，蕩子走天涯。夢冷黃金枕，月明白。

雪紗銷魂噴蛺蝶倚醉弄琵琶暗露庭生草淒風樹噪鴉挑燈
慵繡刺對鏡惜年華歌管誰家宅香塵幾處車那堪鴻雁絕杏
杏怨流霞

臨江王節士歌

江雲墮波波欲飛塞鴻南來木葉稀木葉稀秋月小心逐秋風
惜秋鳥節士悲歌夜難曉空階白露多國恥未雪奈愁何彎弓
射天狼欲落未落機槍長願得風胡劍立功報聖皇

敕勒歌用斛律金原韻

敕勒川寒雲下雕鸞盤空霜威滿野山蒼蒼水茫茫彎弓飛騎
射黃羊

劍閒齋遺集

卷一 樂府類

十五

擬高適塞下曲

漢兵擅騎射代馬風前驕將軍朝舞槊戰士夜鳴刁羽檄飛如
電旌旗時見招霞影雜紅旆日色連金鑣逶迤盧龍塞酣戰霍
嫖姚殺氣薄黃雲蹴踏若崩潮指顧收千里殄賊不一朝功成
張露布爵賞佩金貂天子賜顏色意氣凌層霄嗟爾窮經士蓬
巷日飄蕭

劍閒齋遺集卷之一終

劍閒齋遺集卷二

湘鄉陳 瀨子峻甫著男爾錫謹校

古今體詩類上

雜詩

宇宙啟靈秘文淵浩如海放眼觀羣書幽契得真宰醇醪以俗
移哀樂隨境改大道貴扶持旁門競華彩音聲本自然世降文
章在萬象爭寸心誰與祛冗猥

結髮事鉛黠不辨妍與媿恣意任傾吐天倪不自知流水倏東
逝白日忽西馳悠悠何時侍毋乃後人嗤良工矜雕鏤巧拙各
異辭情性苟不存文采安所施冥心遊太古神妙在無爲顯晦

劍閒齋遺集

卷二 古今體詩類

豈吾事聊以志吾詩

頽波久不挽綺靡激狂瀾正聲一以逝汗漫不足觀近代盛文
藻返古披荆榛吳錢才麗發哀豔乏天真王趙各異趨得失亦
相因屈梁多激蕙秀水鎔鴻鈞拳拳施與宋奉蘇若圭珍門戶
殊新坡雄偉矯二憂過此風雅歇沈夢亦功臣抗厲與蔣趙大
雅非其倫瑕瑜各居半文質不相均吁嗟李杜往吾道良獨難
殺氣揚塵沙秋風吹遠道朝發隴上山暮宿邊城草戰馬向天
鳴心思爲顛倒借問此何爲大兵事征討逆酋肆虐威生靈塗
肝腦少小從征戰出塞已衰老拔劍逐鼓鼙時覺異鄉好大漠
無陽春性命安所保回首望漢關衆星渺蒼昊

長繩橫江海，巖山崔嵬揚波三萬里。噴沫爭喧，應側愴驚物。悟兩耳鳴風，雷蜃樓倏恍，無由覩蓬萊。浩歌發激烈，使我心悲哀。

鬱鬱千仞岡，上有松柏林。歲寒彌堅勁，不爲風霜侵。豈無大道旁，樵斧或相尋。託根苟得地，貞我後彫心。大材毋爲炫，全此十畝陰。嗤彼蒿與艾，秋風不自任。

明月多圓缺，龍蛇互屈伸。世事如轉軸，盛衰各爲因。昔爲執轡子，今爲乞食人。達士觀理化，冥神守其真。高雲本無物，何所沾風塵。

五陵年少子，白馬珊瑚鞭。結交遊俠客，被服爭新鮮。僕從問且

劍開齋遺集

卷二 古今詩類

二

都冶遊衆所，妍意氣傾都市。擲筵輕萬錢，華兒羅珍羞。風引管絃行樂日，未足夜就倡樓眠。日晏未云起，自謂壽千年。草玄揚子雲，著書空自憐。

蘭蕙生空谷，馨香滿山阿。臨風曳長帶，綠葉鬢春和。託根未得所，秀色空嬋嬋。常恐雨雪下，九畹飄零多。誰當貢太液，清露滋婆娑。我欲紉爲佩，道遠將如何。

我有廣陵琴，閉置久不理。新絙白玉徽，出匣奏流水。一彈天風高，再彈山雲紫。萬籟靜不喧，山魃驚忽起。妙悟得好音，冥心集衆美。世人重箏笛，悅耳誇長技。吾以樂吾樂，鍾期非所俟。遐哉陶彭澤，無絃寓微旨。

簫韶奏逸響，冉冉聞諸天天神。爲下降騎龍，何翩翩俗子如不聞。誰爲賞音傳，試作桑間聲。淫哇競相妍，世情故如此。不恨古樂損。

蘭階下涼露，霜月中空圓。春秋相代謝，感此心淒然。茫茫六合內，營營違其天。秦皇及漢武，服藥求神仙。宮觀照雲日，自謂長絲延。人生如流電，何物留眞堅。齊謳問趙瑟，大醉樂生前。乃知高隱士，黃鶴自飛騰。功成蹈海隅，吾思魯仲連。

青陽二三月，桃李各爲妍。東風助窈窕，悅世相新鮮。得氣匪云厚，秋至不自堅。空山老梅樹，歲寒節益全。幽谷有松柏，霜雪守其天。黃菊淡東籬，秋萼何嫣然。桃李雖成蹊，本性不爲遷。

劍開齋遺集

卷二 古今詩類

三

詩集

村雞能司晨，不如鳳與皇。狸奴能捕鼠，致遠在囀囀。雷鳴紛瓦缶，黃鐘遭毀傷。照乘輕一擲，魚目炫奇光。物各有本性，達人貴自臧。豈不思遠舉，守道故難忘。拔劍取自壯，無爲意徬徨。金石有殘缺，松柏多摧朽。人命如遊絲，百年亦何有。昔日垂髫兒，今日龍鍾叟。可憐彭祖，殤翻覺顏淵壽。登高望邱壘，紫微林數古今賢。愚人淹忽同培塿，何當凌太虛，天地同悠久。仙人王子喬，御風遊蓬島。宮殿倚雲霞，棲託消煩惱。絳節時有無，鍊丹奪大造。仙桃幾度花，桂質大如棗。石髓和金漿，還精神亦葆。玉女相逢迎，洞中掇芝草。仙人授我藥，使我顏色好。瑤京日往還，直與天同老。歸來意猶恍，氣躡徒叩禱。翠壁不可梯，回